

兩
浙
名
賢
錄

兩浙名賢錄卷五十三目次

寓賢

唐虞

許由

春秋

伍子胥員

辛旼

越大夫范少伯蠡

漢

吳羌

錢元茂林

袁衛尉忠子秘附

大尉施君子延

蔡伯喈邕

許司徒靖

陸仲芳璿

桓文林曄

孔潛

晉

臨海太守朱汎

許玄度詢

戴安道達

王逸少羲之

孫承公統弟盛子騰登曾孫康附

右軍長史孫興公綽

東陽太守阮思曠裕

中軍將軍殷深源浩

秘書監孫安國盛

子潛
放附

宋齊梁陳

孔彥深淳之

尚書令何子季胤

劉孝標峻

庾肩吾

辛文達普明

散騎常侍江文通淹

中書侍郎裴幾原子野

唐

吳直節筠

歙州刺史陸公參佐

烏程尉喻鳧

丁翰之飛

高賢同大

卷之五十三

二

光緒金

陸鴻漸羽

虞部員外郎顧垂象雲

五代

工部侍郎章仁肇

宋一

王邠公彥超

四川助教潘道遥閬

徐希顏復

商瑗

御史錢安道顗

太常卿江子我端友

衍聖公孔端友

子玠從弟傳附

中書舍人呂居仁本中

王子安用亨

刑部尚書胡少汲直孺

中書舍人朱新仲翌

侍講尹彥明惇

吏部尚書蔣仲遠猷

宰相趙元鎮鼎

參知政事陳去非與義

鄂王岳鵬舉飛

斬王韓良臣世忠

資政殿學士韓以夫肖胄

國子祭酒邵民望知柔

太尉李君錫顯忠

温州通判管仲常憲

翰林學士范元長冲

御史中丞常子正同

禮部尚書顏長道復

環衛上將軍孟載

五世孫
性善附

安定郡王趙表之令矜

附

龍圖閣學士趙子晝

秘書監朱新仲翌

奉議郎朱少章升

趙彥遠善應

工部尚書王碩夫俱

禮部尚書洪光弼

附三子

和州守時傳之檄

侍御史黃龜年

兄岳年子衡附

烏程令蕭東夫德藩

白石道人姜堯章

兩浙名賢錄卷五十三目次終

兩浙名賢錄卷之五十三

東海徐象梅仲和氏譔

長水屠懋昭用明氏閱

寓賢

唐虞 凡一人

許由

許由，潁川陽城人。寓武林山稽留峯，其遺跡也。太平寰宇記：許由、葛洪皆隱此，忘返故號稽留。史記：箕山有許由冢。箕山在河南嵩少間。今昌化亦有箕山，蓋由寧游

覽於此故借其所隱以名云

春秋

凡三人

伍子胥員

伍員字子胥楚人父奢爲太子建傅平王爲建取婦於秦而美少傅費無忌勸平王自取之別爲建取婦而使守城父備邊兵無忌不自安竊恐平王一旦卒太子建立將殺已由是日譖太子建以秦女故與太傅奢外交諸侯將入爲亂平王怒召奢囚之而使城父司馬膏楊姓殺太子太子亡奔宋無忌又言於平王曰伍奢有二

子皆賢不誅且爲楚憂王遂使人召二子曰來吾生
父不來今殺奢也伍尚欲往員曰楚之召我兄弟非欲
以生我父也恐有脫者後生患故以父爲質詐召二子
二子去俱死無益且使父讐不報不如奔他國借力以
雪父之恥毋徒俱滅爲也尚曰我知往終不能全父命
然恨父召我以求生而不往後不能雪耻終爲天下笑
耳爾夫矣爾能報殺父之讐我將歸死尚就執員遂脫
身走與太子建之子勝奔於吳未至中道疾作吹簫乞
食於市當是時吳王僚方強公子光爲將以伐楚拔其

鍾離居巢而歸。員因公子光求見吳王。因說之曰：「伐楚可破也。」願復遣公子光。公子光謂吳王曰：「伍員父兄爲戮於楚，而勸王伐楚者，欲以自報其讐耳。伐楚未可破也。」員知公子光有內志，欲殺王而自立，未可說以外事。乃進專諸於公子光，退而與太子建之子勝、咺於野，全嚴之胥村，其故跡也。公子光卒，令專諸襲刺吳王僚而自立。是爲吳王闔廬。闔廬旣立，乃召員爲行人，與謀國事。三年，乃興師與員、伯嚭伐楚，夾漢水而陣。楚將子常敗走於鄭。員乘勝而前五戰，遂至郢。昭王出奔。員求昭

王不得乃掘楚平王墓出其尸，醵之三百，然後已。申包胥亡於山中，使人謂員曰：「子之報讐，其已甚乎？」子故平王之臣，親北面而事之，今至於僇死人，此豈其無天道之極乎？」員曰：「爲我謝申包胥。」吾日暮途遠，故倒行而逆施之。於是申包胥求救於秦，秦遣車五百乘救楚，擊吳，敗吳兵於稷。吳王乃歸。後二歲，闔廬使太子夫差復伐楚，取番。楚懼吳之復來也，乃去郢，徙於都。當是時，楚用子胥之謀，西破彊楚，北威齊晉，南服越人。後五年，伐越，越迎擊，敗吳於姑蘓，傷闔廬指，軍卻。闔廬死，太子夫差

立夫差既立爲王以伯嚭爲太宰習戰射二年伐越敗
越於夫湫越王句踐乃以餘兵五千人棲於會稽之上
使大夫種厚幣遺太宰嚭以請和吳王將許之員諫曰
越王爲人能辛苦今王不滅後必悔之吳王不聽與越
平未幾謀興師伐齊員復諫曰句踐食不重味吊死問
孤其欲有所用之也此人不死必爲吳患今吳之有越
猶人之有腹心疾也王不先越而乃務齊不亦謬乎且
破齊譬猶石田無所用之吳王不聽伐齊大破齊師以
歸由是益踈子胥之謀太宰嚭既與員有隙乘間日夜

讒員於吳王。吳王信之。乃使使賜員劍。鏤之劍以死。取員尸。盛以鴟夷革。浮之江中。吳人憐之。乃於員故所畔地立祠祀之。命其村曰胥村。在嚴城西四十里。

辛汧

辛汧一名計然。老子弟子。爲范蠡師。作文子數十篇。寓居禺山。吳興志云。禺山禹十二代孫帝禹所居。故名。武康志云。禺山一名計等山。越大夫計然嘗籌筭於此。山下有計村。其族至今猶盛。

越大夫范少伯蠡

范蠡字少伯。楚人。嘗寓居嘉興。偶儻有深謀。事句踐。極
循士民。訓治兵。革越王用其計。參吳卒。報會稽之耻。諸
侯畢賀。號稱霸王。范蠡曰。大名之下。難以久居。且越王
爲人。長頸烏喙。可與共患難。不可與同安樂。於是乘扁
舟。浮海出齊。變姓名。自謂鴟夷子皮。畊於海畔。父子戮
力。致產數千萬。其後辭齊相。間行止於陶。自謂陶朱公。
今嘉興城中范蠡湖。其昔所游息處也。有像在金明寺
中。

漢

共一十人

吳羗

吳羗不知何郡人。漢平帝時，隱居畊作，世無所慕。王莽居攝，天下大亂，羗携妻子隨梅福東隱，於吳門。後徙烏程，餘不鄉。以溪南山水紆鬱，遂避跡焉。人因名其所居曰吳羗山。

錢元茂林

錢林字元茂，徐州人。建平中爲諫議大夫。後王莽專政，棄官來隱於平望鄉陂門里梓山之東，穿菴造村，背山臨流，子孫因家焉。今長興吉祥鄉有陂門里，或古平望。

鄉也其後子孫繁衍晉宋齊梁間多顯宦遂爲邑中之著姓云

袁衛尉忠 子秘附

袁忠汝陽人安玄孫也與同郡范滂爲友同陷黨獄得釋初平中爲沛相乘輦舟到官以清亮稱及天下亂弃家隱於上虞後徵爲衛尉未至卒子秘擊黃巾賊戰死詔旌其門時同死者七人號爲七賢

太尉施君子延

施延字君子沛國廩人寓海鹽明五經旁通星官風角

家貧嘗賃作半邏亭食其力以養母人不識也山陰馮敷爲吳郡督郵過亭延酒掃道上敷知其賢下車謝之推食解衣與之錢不受順帝初徵拜侍中位至太尉

蔡伯喈邕

蔡邕字伯喈陳留人漢靈帝時爲議郎上封事忤中常侍邕與家屬髡鉗徙朔方會赦還王甫弟智守五原餞之酒酣智起舞屬邕邕不爲禮智恨之誣以怨謗邕乃亡命江海遠跡吳會嘗經會稽柯亭見屋椽竹取以爲笛吹之聲韻奇絕又書曹娥碑陰人字云黃絹幼婦外

孫鑒曰卽其時也

許司徒靖

許靖汝南人舉孝廉與從兄邵俱有人倫臧否之鑒董卓之亂去隱會稽後仕蜀累官太傅司徒

陸仲芳璿

陸璿字仲芳毘陵人明京氏易尚書風角星筭皆精辟主簿視事旬日卽謝病隱會稽以終

桓文林曄

桓曄字文林龍亢人榮之五世孫也仕郡爲功曹舉孝

庶方正皆不應。初平中，避地會稽，止故魯相鍾離意舍，越人化其節，閭里不爭訟。太守王朗給服食牛羊，悉不受。

孔潛

孔潛，魯人，宜聖十七代孫。漢末爲太子少傅，世亂解官，避地會稽，遂世爲郡人。孔道隆、孔覲皆其後也。

晉 共十五人

臨海太守朱汎

朱汎，漢沛國朱雲之後。晉大興中，爲臨海太守，有政聲。

秩滿居蒲城村。遂爲義烏人。曾孫幼事齊。還揚州刺史。有功。人歌之曰。朱幼護江東。人安盜賊空。自有傳。

許玄度詢

許詢字玄度高陽人。父旼爲會稽內史。遂家焉。詢有才藻。善屬文。能清言。與太原孫綽齊名。隱居不仕。徵爲朝議郎。不就。築室永興之南山。蕭然自致。乃號其岫曰蕭然山。一時名士無不傾慕。劉惔嘗曰。清風明月。輒思玄度。後終於剡山。

戴安道遠

戴逵字安道，譙國人。不樂當世，以剡多名山，因居剡。少傳學，好談論，善屬文，以禮度自閑，深以放逸爲非。武陵王晞聞其善鼓琴，使人召之。逵對使者破琴曰：「戴安道豈王門伶人耶？」孝武時累召，辭父疾不就。郡縣敦逼不已，乃逃於吳。會稽內史謝玄慮逵遠遁不返，上疏請絕。召命帝許之。逵復還剡。後王珣爲尚書僕射，復請爲國子祭酒，竟不至。

王逸少羲之

王羲之字逸少，瑯琊人。司徒導之從子也。少有美譽，朝

廷公卿皆愛其材器爲右軍將軍會稽內史雅好服食
養性不樂居京師初渡浙江見會稽有佳山水卽有終
焉之志時孫綽許珣支遁輩皆以文義冠世並築室東
土與羲之同好嘗修禊山陰之蘭亭觴咏竟日自爲序
書之爲古今勝事晉祚中替重以敦峻鼓亂羲之自負
經濟知時事不可爲遂稱病去郡於父母墓前誓不復
仕遂與東土人士盡山水之遊弋釣爲娛又與道士許
邁共修服食採藥石不遠千里徧遊東中諸郡窮諸名
山泛滄海歎曰我卒當以樂死嘗遺謝萬書有曰古之

辭世者。或被髮陽狂。或汚身穢迹。可謂艱矣。今僕坐而
獲逸。遂其宿心。豈非天幸。頃東遊還。修植桑果。今盛敷
榮。率諸子抱弱孫游觀其間。有一味之甘。割而分之。以
娛目前。雖植德無殊邈。猶欲教養子孫。敦厚退讓。彷彿
萬石之風。志願畢矣。子七人。徽之操之獻之最著名。留
家山陰。遂世爲山陰人。

餘姚令孫承公統

弟盛子騰登曾孫康附

孫統字承公。中都人。馮翊太守楚之孫也。與弟綽及從
弟盛避亂過江。家於會稽。性誕任不羈。而善屬文。嘗爲

鄧令轉在吳寧居職不屑碎務縱意山水間隱將名隱
後爲餘姚令縣內大治卒於官子騰以博學稱位至廷
尉騰弟登善名理注老子仕至尚書郎盛著晉春秋曾
孫康嘗映雪讀書仕至御史大夫

右軍長史孫興公綽

孫綽字興公與兄統皆博學善屬文綽游放山水十有
餘年乃作遂初賦又嘗著天台山賦初成以示友人范
榮期曰卿試擲地當作金石聲也內史王羲之引爲右
軍長史桓溫欲移都洛陽朝議不敢異綽獨上疏溫不

祝曰致意與公何不尋君遂初賦知人國家事耶綽少
以文才著稱於時溫王郗庾諸公薨必綽文然後刊石
東陽太守阮思曠裕

阮裕字思曠陳留尉氏人僑居剡縣累辟不就卽家拜
臨海太守少時去職後除東陽太守尋徵侍中皆不就
還剡山有肥遁之志或問裕曰子辭徵聘而宰二郡何
也裕曰雖屢辭王命非敢爲高也吾少無宦情兼拙於
人間旣不能躬耕自活必有所資故曲躬二郡豈以騁
能聊自資耳年六十三卒葬剡山子寧孫萬齡世居剡

茲列顯位永初末萬齡以侍中解職東歸稱爲一代高士自有傳

中軍將軍殷深源浩

浩字深源陳郡長平人也弱冠有美名善玄言爲風流談論者所宗公府辟並稱疾不起遂屏居墓所幾將十年於時擬之管葛王濛謝尚皆伺其出處以卜江左興亡因相與省之知浩有確然之志旣反相謂曰深源不起當如蒼生何建元初徵爲建武將軍揚州刺史浩上疏陳讓自三月至七月始受拜焉時桓溫旣滅蜀威

勢轉振朝廷憚之簡文以浩有盛名朝野推服故引爲
心膂以抗於溫爲是與溫頗相疑貳王羲之密說浩令
與溫和同不宜內構嫌隙浩不從及石季龍死胡中大
亂朝廷欲遂蕩平關河於是以浩爲中軍將軍假節都
督楊豫徐兗青五州軍事浩旣受命以中原爲已任上
疏北征許洛將發墜馬時咸惡之至山桑爲姚襄所敗
浩退保譙城器械軍儲皆爲襄所掠桓溫上疏乞正其
罪竟坐廢爲庶人徙東陽之信安浩雖被放黜口無怨
言夷神委命談詠不輟雖家人不見其有流放之感浩

甥韓康伯隨至徙所經歲還都浩送至渚側詠育顏遠
詩云富貴他人合貧賤親戚離因而泣下後溫將以浩
爲尚書令遺書告之浩欣然許焉將答書慮有謬誤開
閉者數十竟達空函大忤溫意由是遂絕永和十二年
卒故吏顧悅之上疏頌其冤詔追復浩本官

秘書監孫安國盛 子潛放附

孫盛字安國大原中都人父恂潁川太守在郡遇賊被
害盛年十歲避難渡江家於會稽及長博學善言名理
於時殷浩擅名一時與抗論者惟盛而已盛嘗詣浩談

論對食，奮擲塵尾，毛悉落飯中。食冷而復暖者數四，至暮忘食，理竟不定。由是知名，起家佐著作郎，歷官廷尉正、桓溫伐蜀，以盛爲參軍，蜀平，賜爵安懷縣侯。累遷溫從事中郎，從入關，平洛以功進封吳昌縣侯，出補長沙太守，以家貧，頗營資貨，部從事至部察之，服其高名而不之劾。盛與溫箋詞旨放蕩，稱州遣從事觀採風聲，進無威鳳來儀之美，退無鷹鷂搏擊之用，徘徊湘川，將爲恠鳥，溫得盛箋，復遣從事按之，贓私狼籍，檻車收盛到州，捨而不罪，累遷秘書監，加給事中，年七十二卒。盛爲

學不倦自少至老手不釋卷著晉陽秋詞直理正咸稱良史既而桓溫見之怒謂盛子曰枋頭誠爲失利何至乃如尊君所說若此史遂行自是關君門戶事其子遠拜謝謂請刪改之時盛年老還家性方嚴有執憲雖子孫班白而庭訓愈峻至此諸子乃共號泣稽顙請爲百口切計盛大怒諸子遂私改之盛寫兩定本寄於慕容儁大元中孝武帝傅求異聞始於遼東得之以相考校多有不同遂兩存子潛放潛字齊由官豫章太守放字齊莊稱令慧終長沙相

宋齊梁陳

共八人

孔彥深淳之

孔淳之字彥深魯人也。居會稽剡縣。性好山水。每有所遊。必窮其幽峻。或旬日忘歸。嘗遊山。遇沙門釋法崇。因留共止。遂停三載。法崇歎曰。緬想人外三十年矣。今乃傾蓋於茲。不覺老之將至也。及淳之還。乃不告以姓。除著作佐郎。太尉叅軍。並不就。會稽太守謝方明苦要之。不能致。使謂曰。苟不入吾郡。何爲入吾郭。淳之笑曰。潛遊者不識其水。巢棲者不辨其林。飛沈所至。何問其主。

終不肯仕茅室蓬戶庭草無徑唯牀上有書數帙元嘉
初復徵爲散騎侍郎乃逃於上虞縣界莫知所在

尚書令何子季胤

何胤字子季廬江潛人仕齊爲建安太守政有恩信人
不忍欺每伏臘放囚還家依期而反歷黃門侍郎太子
中庶子尚書令胤雖貴顯常懷止足以會稽山多靈異
往游焉乃賣園宅弃官去居若邪山雲門寺初胤二兄
求點並棲遁求先卒至是胤又隱人號點爲大山胤爲
小山亦曰東山兄弟發跡雖異克終皆隱世謂何氏三

高梁武帝踐祚，詔爲特進光祿大夫，不起，有勅給白衣，尚書祿固辭。又勅山陰庫錢月給五萬，又不受。乃勅何子朗、孔壽等六人於東山受學。胤以若邪處勢迫隘，不容學徒，乃遷秦望山。山有飛泉，乃起學舍，卽林成園，因岩爲堵，別爲小閣室，寢處其中。躬自啓閉，無得至者。山側營田二頃，講隙從生徒游之。何氏過江，自晉司徒充皆葬吳西山。胤家世年皆不永。唯祖尚之至七十二。胤年登祖壽，乃移還吳，作別山詩一首，言甚悽愴。及卒，簡文帝爲志其墓。

劉孝標峻

劉峻字孝標平原人隱於金華紫薇岩講授生徒作山棲志及撰類苑一百二十卷靈岩古剎卽其故宅也

庾肩吾

庾肩吾新野人南齊庾信之父隱居天台信留周雖致通顯每多鄉關之思故作哀江南賦以致其意有云少微真人天台逸民階庭空谷門巷蒲輪移談講樹就簪書筠降生世德載誕貞臣文詞高於甲觀模楷盛於漳濱蓋頌父也

辛文達普明

辛普明字文達河南人僑居山陰少就關康之受學至性過人居貧與兄共處一帳兄亡以帳圍柩蚊甚多通夕不寐普明處之怡然及葬鄉人高其行爭以金賻後至者不受人問其故答曰本以兄墓不周故不逆親友之意今葬費已足豈可利餘贈邪豫章王嶷領揚州徵爲儀曹從襄不就

散騎常侍江文通淹

江淹字文通濟陽考城人少孤貧常慕司馬長卿梁伯

爲之爲人不事章句之學留心於文章起家南徐州從事歷官建平王景素府主簿遷鎮軍參軍領南泉海郡丞齊高帝輔政聞其才召爲尚書駕部郎驃騎參軍事桂陽之後朝廷周章詔徵久之未就齊高帝引淹入中書省先賜酒食淹素能飲啖食鴛炙垂盡進酒數升訖文詔亦辦相府建補記室參軍高帝讓九錫及諸章表皆淹筆也齊受禪始置史官淹與司徒左長史檀超共掌其任歷遷中書侍郎兼御史中丞彈劾不避中外肅然明帝謂曰自宋以來不復有嚴明中丞君今日可謂

近世獨步累遷秘書監侍中衛尉卿永元中崔慧景舉
兵圍都衣冠悉投名刺淹稱疾不往及事平時人服其
先見梁武至新林淹微服來奔位相國右長史天監元
年爲散騎常侍左衛將軍移家寓於永興今江寺其故
宅也未幾卒謚曰憲淹少以文章顯晚節惟退嘗宿於
冶亭夢一丈夫自稱郭璞謂淹曰吾有筆在卿處多年
可以見還淹乃探懷中得五色筆一以授之爾後爲詩
絕無美句時人謂之才盡

中書侍郎裴幾原子野

裴子野字幾原河東聞喜人松之之曾孫少好學善屬文居父喪廬墓有白兔白鴈馴擾其側爲諸暨令不行鞭罰人有爭者示之以理百姓稱悅合境無訟初子野曾祖松之宋元嘉中受詔續修宋史未成而卒子野嘗欲繼成先業及齊永明末沈約所撰宋書稱松之已使無聞焉子野更撰爲宋略二十卷其敘事評論多善而云戮淮南太守沈璞以其不從義師故也約懼徒跣謝之請兩釋焉歎其述作曰吾弗逮也蘭陵蕭琛言其評論可與過秦王命分路揚鑣於是吏部尚書徐勉言之

漢帝以爲著作郎掌修國史又勅掌中書詔誥時兩
遠邊有白題及滑遣使由崑山道入貢此二國歷代
賓莫知所出于野曰漢潁陰侯斬胡白題將一人服虔
注云白題胡名也又漢定遠侯擊虜入滑此其後乎勝
人服其博識普通七年大舉北伐勅子野爲移魏文受
詔止成覽者無不歎服武帝日子野曰其形雖弱其文
甚壯自是諸符檄皆令具草子野爲文典而速不尚靡
麗制多法古或問其爲文速者子野答云人皆成於手
我獨成於心遷中書侍郎鴻臚卿子野在禁省十餘年

靜默自守未嘗有所請謁外家及中表貧乏所得俸悉
給之寓居吳興無宅借官地二畝起茅屋數間妻子恒
苦飢寒惟以教誨爲本子弟祗奉若嚴君中大通二年
卒武帝悼惜爲之流涕贈散騎常侍特賜謚貞子及葬
湘東王爲之墓誌銘陳於藏內邵陵王又立墓誌
美道美道列誌自此始也

唐

共七人

吳直節筠

吳筠字直節華州華陰人通經誼美文辭舉進士不中

性高饒不耐浮沉於時去居南陽倚帝山天寶初召至
京師請隸道士籍乃南游天台觀滄海與文士相娛樂
文辭傳京師玄宗召見與語甚悅勅待詔翰林獻玄綱
論三篇每有開陳皆開名教世務以微言諷天子天子
重之羣沙門嫉其見遇而高力士素事浮屠共短笥於
帝筠亦知天下將亂懇求還山已而兩京江淮盜賊橫
起因東入會稽居剡大曆中卒弟子私謚爲宗元先生

欽州刺史陸公佐參

陸參字公佐吳郡人蚤孤與兄隱居於會稽有佳山

率子弟耕汲於其中固修桑門之法摘落人事貞元祿
兄既歿始爲宗姻士友所強慨然有應知己之心錄試
佐環衛歷大理評事攝監察御史裏行佐黔中又以陞
中侍御史內供奉佐浙東凡四居憲職介二方伯皆素
直聲休利邦人宜之徵拜祠部員外郎出爲歙州刺史
參爲人器度夷遠同心定交造次以之從善親仁發於
肺腑文章弘朗有作者風貞元十八年薨於貲卒於
洛師年五十有五

烏程尉喻鳧

喻鳧南昌人其先遭亂遷徙不常開成中鳧登進士第以詩名於時徙家睦州嘗與方干賦詩往還仕至烏程尉有詩一卷行於世

丁翰之飛

丁飛字翰之濟南人讀老莊書善養生術居錢塘龍泓洞左陸龜蒙嘗詣龍泓見其綸巾布裘貌古意淡好古文樂府歌詩意其有道者因問其年曰七十二年矣後十四年道士葛希寂爲陸言飛毛髮不衰氣力益壯疎導灌漑皆自執纆乍升高望遠不啻履平地又作細字

次紀事皆有楷法意義夜半山靜取琴彈弄少睡寡言
與人相接禮簡情至未嘗有罷倦之色又不見有所服
餌或問之對曰治心修身之外復有何物陸龜蒙爲作
錢唐丁隱君歌而序其事如此

陸鴻漸羽

陸羽字鴻漸復州竟陵人不知所生或言有僧得諸水
濱畜之既長以易自筮得蹇之漸口鴻漸於陸其羽可
爲儀乃以陸爲氏名而字之幼時其師教以旁行書答
曰終鮮兄弟而絕後嗣得爲孝乎師怒使執糞除圻壤

以告之。又使牧牛三十羽。潛以竹畫牛背爲字。得張衡
南都賦。不能讀。危坐放犖兒。囁囁若成誦狀。師拘之。使
雉草莽。當其記文字。懵懵若有遺。過日不作。主者鞭苦。
因歎曰。歲月往矣。奈何不知書。嗚咽不自勝。因亡去。匿
爲優人。作詼諧數十言。天寶中。州人酺。吏署羽伶。師太
守李齊物異之。授以書。遂廬穴門山。貌倪陋。口訖而辯。
聞人善。若在已。見有過者。規切至忤人。與人期。雨雪虎
狼不避也。上元初。更隱苕溪。自稱桑苧翁。闔門著書。或
獨行野中。誦詩。擊木徘徊。不得意。或慟哭而歸。故時謂

令之接輿久之詔拜太子文學徒太常寺太祝不就職
貞元末卒性嗜茶著茶經三篇

虞部員外郎顧垂象雲

顧雲字垂象池州人風韻詳整與杜荀鶴殷文珪友善
同肄業九華咸通中登第爲高駢淮南從事師度之興
退居雪川杜門著書後宰相杜黃裳奏雲與盧知猷陸
希聲錢翊韓渥司空圖等分修宣懿德三朝實錄書成
加虞部員外郎

五代 凡一人

工部侍郎章仁肇

章仁肇，浦城人。仕後周，爲檢校尚書工部侍郎兼耀武將軍，有功於時。廣順中，徙居桐廬，定安鄉之穴石，盡飲鋒芒。居仁行義，鄉人敬服之。宋季有名木者，其裔孫也。擅詩名，號小客星。有誄魃文，觀海集行於世。張壬苟吊之曰：雲外客星落，江頭桐樹凋。有文誄旱魃，無祿佐清朝。觀海聲名大，回天志慮銷。孀妻與孤子，仍舊瓦蕭蕭。今居梧村者，皆其流裔也。

宋一共六十三人

王郇公彥超

王彥超本臨清人徙居義烏之鳳林少事後唐歷晉至周顯德中累官永興軍節度移鎮鳳翔宋初與太祖有舊遷爲右金吾衛上將軍判街仗事太宗封郇國公語人曰人臣七十致仕古之制也我年六十九當自知止遂乞致仕初彥超自節鎮來朝與郭崇義等侍宴太祖從容謂曰卿等皆國家舊臣久臨劇鎮非朕所以優賢之意彥超知旨卽前奏曰臣本無勲勞久冒榮寵乞歸丘園臣之願也卽日解官時議以此許之彥超每戒諸

子曰吾累爲統帥殺人多矣必無陰德以及汝曹勉爲善事以自庇卒年七十三宋史贊曰彥超起自戎伍歷典藩服引年高蹈武夫之貞至於自悔多殺垂戒後裔近乎仁人之心矣孫克從咸平元年進士及第

四川助教潘逍遙閬

潘閬字逍遙大谷人寓居錢塘通易詩春秋尤以詩知名落魄不羈所交游者皆一時豪傑盧多遜欲立秦邸閬預其謀後太宗登極事敗兵環多遜宅閬匿隣家複壁中剃鬚髮衣僧衣五更持鐺出宜秋門得逸去朝廷

下諸路圖像捕之。或說曹彬曰：「朝廷捕潘閬甚急，閬亦豪邁士，竄伏既久，欲遁死地，稍裂網則何所不至？」公大
臣也，何不奏朝廷弛捕？或以一小官召出，亦羈縻之端
也。彬然之，爲具疏以奏。太宗以四門助教招之，因遂出。
後卒於泗。

徐希顏復

徐復字希顏，一字復之，莆田人。後游吳，因家杭州。郡將
至，必先加禮，而復未嘗至公門。范仲淹守杭，數就復訪
問，禮重之。復有所占候，多奇中。精易通流衍卦氣之法。

與凡天文地理遁甲占射諸家之說知律呂微妙動作之制康定中元昊叛詔求有文武材可用者宋綬林瑀以復薦召見問以天時人事復舉京房易卦推所配年月謂時當小過剛失位而不中宜在強君德問西方用兵如何復對太乙守中官宜內不宜外帝善其言復又獻所爲邊防策太乙主客立成曆洪範論帝欲官之因辭留復監登聞鼓院與林瑀同修周易會元紀歲餘歸禮以束帛賜號冲晦處士年幾八十卒沈文通守杭勝其居曰高士坊

商瑗

商瑗其先汴人流寓西夏爲都知兵馬使嘉祐六年因奉使歸宋奏獻密事上嘉其義賜地於浙之淳安以居卽今遼源之芝山也子孫因家焉以蔭補官者三世

御史錢安道顗

錢顗字安道無錫人熙寧間由烏程令召爲御史裏行時王安石初行新法上疏論安石歷官以來莫不曰尊尚堯舜遂致公輔今乃首以財利之說言行乖戾剛愎自用曾公亮位居承弼被遇三朝反有畏避安石之心

更相稱譽以固榮寵安石大怒貶監衢州鹽稅將出臺
謂侍御史孫昌齡曰君奴事安石以得御史亦當少念
報國君爲美官自以爲得策卽我視君大疑不若也卽
拂衣上馬去在衢數年好游泉石多記詠後徙家秀水
家貧親老丐貸親舊以給朝晡怡然無謫官之色蘇軾
遺以詩有烏府先生鐵作肝之句世因目爲鐵肝御史
太常卿江子我端友

江端友字子我陳留人博學能詩與呂居仁相唱和以
元祐黨家居不仕亦不娶隱居封丘門外靖康初丞相

吳敏薦之以爲承務郎諸王宮教授上書辨宣仁誣謗
被黜避亂渡江寓居桐廬之蘆茨人虎七里先生後
爲太常少卿所著有七里先生自然庵集七卷行於世
衍聖公孔端友子玠從弟傳附

孔端友孔子四十八代孫也建炎初襲封扈蹕南渡因
家於衢後子玠嗣紹興六年詔權以衢州學爲家廟賜
田五頃以奉烝嘗玠從弟傳字世文御史中丞道輔之
後與玠同至衢後守臨川時建昌軍亦累招降皆不受
必欲見傳爲信傳挺然往論叛兵以平凡南渡後廟學

皆傳所請所著有續白氏六帖續尹植文樞紀要東家
雜紀杉溪集及道輔擊蛇笏藏於家

中書舍人呂居仁本中

呂本中字居仁河南人紹興初登進士第仕至中書舍
人寓居桐廬之蘆茨源詩學黃山谷而主於自然號蘆
九法世稱爲大東萊先生與江子我多唱和嘗作江西
傳衣詩派圖列陳無已而下二十五人爲法嗣謂皆出
於山谷云平生因詩以窮愁詩而病清癯如不勝衣有
孟浩然跨驢之風一室蕭然凝塵滿席處之裕如卒賜

謚文清

王子安用亨

王用亨字子安開封人寓崇德第進士調尉益嗜學如
舉子時手抄口誦至忘寢食試博學宏詞科與倪思齊
衡高科顯仕多出其門分教襄陽以根柢之學表率士
類一時以爲人師

刑部尚書胡少汲直孺

胡直孺字少汲高安華林人紹聖間擢進士爲編修管
教元祐黨禍累遷工部尚書郎以龍圖閣學士知洪州

率兵禦金人於營丘，斬首千餘級。已而兵潰，見執。在虜中，聞京城失守，大慟不已。虜欲立異姓死，爭之，人得歸。欽宗撫諭曰：「孤城久閉，天下兵至者，獨卿與張叔夜耳。」及張邦昌僭號，歎曰：「吾豈事僞主耶？」高宗卽位，奔赴行在。上疏請益虔吉戍兵，改刑部尚書，封開國伯，奉勅治會稽，攢官因留家焉。未幾卒，葬雲門白水塘，有西山老人集行世。

中書舍人朱新仲翌

朱翌字新仲，龍舒人。政和間登進士第。時人諱言詩翌

獨沉涵六義思繼作者南渡後爲中書舍人掌書命文章浸顯於朝忤時宰謫居曲江十有四年旣而放歸詩益老文益奇寓居桐廬愛芙廬山水遂開地家焉所著有滿山集若干卷

侍講尹彥明焯

尹焯字彥明本洛人少師事程頤嘗應舉發策有誅元祐諸臣議焯曰噫尚可以干祿乎哉不對而出告頤曰焯不復應進士舉矣頤曰子有母在歸告其母母曰吾知汝以善養不知汝以祿養頤聞之曰賢哉母也於是

終身不就舉靖康初用种師道薦召至京師不欲留賜號和靖處士及金人陷洛焯闔門被害焯死復蕪劉豫以兵劫焯焯抗罵不屈夜徒步渡渭潛去紹興八年除秘書少監兼崇政殿說書每當講日前一夕必沐浴更衣以所講書置案上朝服再拜齋於燕室高宗嘗語叅政劉大中曰焯學問淵源足爲後進矜式班列中得老成人亦見朝廷氣象乃以焯直徽猷閣留侍經筵復除權禮部侍郎兼侍講因極論和議之非又以書切責秦檜尋乞致仕其婿邢純迎養於越居二年而卒因葬焉

所著有和靖文集十卷

吏部尚書蔣仲遠猷

蔣猷字仲遠，丹陽人。避寇寓居昌國。徽宗朝，積遷中書舍人、權御史中丞。遇事敢言，有直聲。故事，內侍省隸六察。崇寧中，宦者竊弄詔旨，奏免所隸。猷疎駁正之。又言：「范之才使淮南，出鼎事，宜坐狂疾。」趙良嗣降虜後，必誤國。東南應奉花石，今十年，皆人權倖，願速罷之。不報。後爲吏部尚書。欽宗卽位，責貶童貫。貫時侍徽宗，總兵柄，東巡。猷持詔諭立解兵，改知明州。到官數日，以不善應

奉丐祠罷未幾卒葬於蓬萊鄉

宰相趙元鎮鼎

趙鼎字元鎮解州聞喜人登崇寧五年進士第累官河南洛陽令擢開封士曹金人陷太原朝廷議割三鎮鼎力持不可已而京師失守二帝北行金人議立張邦昌鼎與胡寅張浚逃太學中不書議狀高宗卽位除樞戶部員外郎遂卜居衢州父雨詔求直言論罷王安石配享擢右司諫又遷殿中侍御史北兵至江上上幸會稽召臺諫議去留鼎陳戰守避三策拜御史中丞韓世忠

大敗金人於黃天蕩。宰相呂頤浩請上幸浙西。下詔親征。鼎以爲不可。願浩惡其異已。除知平江府。移知洪州。召拜叅知政事。爲朱勝非所忌。除鼎知樞密院。用陝西撫使時人士皆惜其去。臺諫有留行者。會邊報沓至。鼎每陳用兵大計。及朝辭。上曰。卿豈可遠去。當遂相卿。尋拜尚書右僕射。同中書門下平章事。兼知樞密院事。制下朝士相慶。時劉豫子麟與金人合兵大入。舉朝震恐。獨鼎勸上親征。命張俊以所部援韓世忠。而命劉光世移兵建康。且促世忠進兵。世忠至揚州。大破金人於大

儀鎮捷音既至，車駕已至平江。下詔聲逆豫之罪，欲自將渡江決戰。昺曰：敵之遠來，利在速戰，遽與爭鋒，非策也。帝爲止不行。適有自江上來者，云北兵大集，人始服昺之先見。時張浚久廢，昺言浚可大用，乃召除知樞密院事，命浚往江上視師。時敵兵久駐淮南，知南兵有備，漸謀北歸。昺曰：金人無能爲矣，命諸將邀諸淮，連敗之。金人遁去。上謂昺曰：近將士致勇爭先，諸路守臣亦翕然自效，乃朕用卿之力也。上還臨安，制以昺守左僕射，知樞密院事，張浚守右僕射，兼知樞密院事，都督諸路。

軍馬劉豫復遣子麟覲分路人寇時張俊屯盱眙楊沂中屯泗韓世忠屯楚岳飛駐鄂劉光世駐廬沿江上下無兵皆以爲憂乃移書浚欲令浚與沂中合兵剿敵光世乞拾廬還太平又乞退保采石昞奏曰豫逆賊也官軍與豫戰而不能勝或更退守何以立國今賊已渡淮當亟遣張俊合光世之軍盡掃淮南之寇然後議去留上善其策詔二將進兵俊軍至藕塘與覲遇大破之昞命沂中趣合肥以應光世光世已棄廬回江北浚以書告昞昞曰上詔浚有不用命者聽以軍法從事光世大

駭復進至肥河與麟戰破之麟脫拔寨遁去浚在江上乞乘勝攻河南且罷劉光世軍政鼎言擒豫固易耳先得河南能保金人不內侵乎光世累世爲將無故而驟之恐人心不安浚不悅鼎以觀文殿大學士知紹興府未幾浚以罪去位乃召鼎入對拜尚書左僕射同中書門下平章事兼樞密使進四官時淮西警至臺諫俱以無備爲言鼎曰行朝擁兵六十萬敵騎直來自足抗之設有他虞鼎身任其責淮西迄無驚鼎既再相或議其無所設施鼎聞之曰今日之事如人患癰當靜以養之

若復加攻砭益傷元氣矣。金人廢劉豫，鼎遣間招河南守將壽、濮、陳、蔡之間，往往舉城或率部曲來歸，得精兵萬餘，馬千數。上曰：「朕常慮江池數百里，備禦空虛，今得此軍，可無患矣。」鼎嘗開和議，與秦檜意不合。及鼎以爭璫封國事拂上意，檜乘間擠之，乃以忠武節度使出知紹興府。檜率執政往餞，鼎不爲禮，一揖而去。檜益憾之。鼎既去，王庶入對，上謂庶曰：「趙鼎兩爲相，於國有大功，再贊親征，皆能決勝。又鎮撫建康，回鑒無患，他人所不及也。始張浚薦秦檜，可與共大事，鼎再相亦以爲言。然

檜機穿深險外和而中異浚初求去有旨召鼎時至越
丐祠檜惡其逼已徙知泉州復令言官論鼎嘗受張邦
昌僞命謫官居興化論者不已潮州安置移吉陽軍興
謝表曰白首何歸悵餘生之無幾丹心未泯誓九死以
不移檜見之曰此老倔強猶昔居吉陽三年故吏皆不
敢通問惟廣西帥張宗元時饋膠米檜知之命本軍月
具存亡申聞遣人語其子汾曰檜必欲殺我我死汝曹
無患矣先付疾自書墓中石記鄉里及除拜歲月至是
書銘旌云身騎箕尾歸天上氣作山河壯本朝遺言屬

其子乞歸葬遂不食而死葬於常山縣北二十五里孝
宗卽位謚忠簡贈太傅追封豐國公高宗附廟以卽配
享擢用其孫十有二人卽爲文渾然天成凡高宗處分
軍國機事率多其視草世論中興賢相以卽爲首稱云
叅知政事陳去非與義

陳與義字去非汝州葉縣人見時已有文名政和初上
舍甲科宣和中徽宗見其賦墨梅詩遂登冊府歷徽猷
閣直學士知湖州紹興間掌內外制叅知政事以任道
德尊主威振紀綱爲務乞外除資政殿學士復知湖州

小居崇德青墩鎮與義不妄言笑接人甚和而中不可
犯薦士不使人知爲詩體物寓興與陶謝韋柳相上下
崇寧後風雅幾廢與義獨以詩名中興有簡齋集二十
卷行於世

鄂王岳鵬舉飛

岳飛字鵬舉相之湯陰人少負氣節沈厚寡言家貧力
學尤好左氏春秋孫吳兵法生有神力未冠挽弓三百
斤弩八百石學射於周同盡其術同死朔望設祭於其
家父義之曰汝爲時用其殉國死義乎遂涅四大字於

皆以自矢。曰：盡忠報國，應宜撫劉幹，募平劇賊陶俊，以智勇稱。從解東京圍，功多。遷秉義郎，隸留守宗澤。戰開德、曹州，皆有功。澤大奇之，曰：爾勇智材藝，古良將不能過。然好野戰，非萬全計。因授以陣法。飛曰：陣而後戰，兵法之常。運用之妙，存乎一心。澤是其言。康王卽位，飛上書數千言，以越職奪官，歸河北招討使張所。所待以國士，補武經。從王彥渡河，拔新鄉，轉戰至於太行，禽其首補英州刺史。兀朮趨杭州，飛要擊之。至廣德，六戰皆捷。駐軍鍾村，軍無糧，將士忍餓不敢擾民。金所籍兵相謂

曰岳爺爺兵爭來降附兀朮再攻常州飛四戰皆捷橫屍十五里兀朮趨建康飛設伏牛頭山大破之遂復建康飛奏建康爲要害之地宜選兵固守仍益兵守淮拱護腹心詔討戚方平之紹興元年與張俊同討李成敗其將馬進進走筠州飛抵城東賊出城布陣十五里飛設伏以紅羅爲幟上繡岳字選騎二百隨幟而前賊易其少薄之伏發賊敗走追斬進成走降偽齊江淮平飛功第一加神武右軍副都統授親衛大王建州觀察使建寇范汝爲與楚賊育成相繼起百姓恒擾飛以大削

平之時。虔吉盜連兵寇掠。闔廣諸郡。帝乃專命飛岳旆。所指。機槍無不立掃。帝手書精忠岳飛字。製旗以賜之。授神武後軍都統制。仍江南西路沿江制置使。時僞齊遣李成挾金人入侵。破襄陽。唐鄧諸州。以及信陽。湖寇楊么亦與僞齊通。欲順流而下。李成又欲自江通陸行。趨兩浙。與么會。帝命飛爲之備。除兼荆南鄂岳州制置使。飛奏襄陽等六郡爲恢復中原基本。今當先取六郡。以除心膂之非。李成遠遁。然後加兵湖湘。以殄羣盜。帝以諭趙鼎。鼎曰。知上流利害無如飛者。遂授黃復

州漢陽軍德安府制置使飛渡江中流顧幕屬曰飛不
禽賊不涉此江飛抵郢州一戰而斬僞將京超遂復郢
遣張憲復隨遂趨襄陽成敗夜走復襄陽飛奏金賊所
愛惟子女金帛志已驕惰劉豫僭僞人心終不忘宋加
以精兵二十萬直擣中原恢復故疆誠易爲力襄陽隨
郢地皆膏腴苟行管田其利爲厚臣候糧足卽過江剿
戰敵兵時方重深入之舉而管田之議自是興矣進兵
郢州殺賊將高仲復其城又復唐州信陽軍襄漢平授
清遠軍節度使湖北路荆襄潭州制置使封武昌縣開

國侯移屯鄂，命招捕楊公。飛所部皆西北人不習水戰，飛曰：「兵何常？顧用之何如耳！」以王師攻水寇，則難以水寇攻水寇，則易。遂因敵用兵，奪其手足，離其腹心。八月，而楊公平，獲賊舟千餘。鄂渚水軍遂爲沿江冠。詔兼蘄黃制置使，加檢校少保，進封公。張浚至江上，會諸大帥，獨稱飛與韓世忠可倚大事。命飛屯襄陽以窺中原。曰：「此君素志也。」命王貴等攻虢州。下之。張浚曰：「飛指畫其大，今已至伊洛，則太行一帶山砦必有應者。」飛遣楊再興引兵至長水，再戰皆捷。中原響應。時僞齊屯兵窺唐。

州飛遣王貴善先等攻破之焚其營奏圖蔡以取中原
不許飛乃召貴等還七年入見數陳恢復之略又手疏
言金人所以立劉豫於江南蓋欲荼毒中原以中國攻
中國粘罕因得休兵觀釁臣欲陛下假臣月日便則提
兵趨京洛據河陽陝府潼關以號召五路叛將既還遣
王師前進彼必棄汴而走河北京畿陝右可以盡復然
後分兵濟滑經略兩河如此則劉豫成擒金人可滅社
稷長久之計實在於此帝答口有臣如此顧復何憂中
興之事一以委卿飛知劉豫結粘罕而兀朮惡之可以

閻廢遂詐作蠟書言劉豫同謀誅兀朮以疑之兀朮得書果大驚馳白其主遂廢豫飛奏宜乘廢豫之際擄其不備長驅以取中原不報會和議定金遣使將歸河南地飛言金人不可信和好不可恃相臣謀國不臧恐貽後世譏槍銜之尋以復河南大赦飛表謝寓和議不便之意有唾手燕雲復讐報國之語授開府儀同三司飛力辭謂今日可危而不可安可憂而不可賀可訓兵飭士謹備不虞而不可論功行賞取笑敵人三詔不受會遣士俛謁諸陵飛請以輕騎從酒婦實欲覲覲以伐謀

入奏金人無事請和。此必有肝腋之虞。名以地歸我。實寄之也。檜白帝止其行。無何而金人攻拱亳。劉琦告急。命飛馳援。飛遣張憲、姚政赴之。又遣王貴等分布京洛。西京汝鄭潁昌陳留光蔡諸郡。又命梁興渡河糾合忠義社。取河東北州縣。自以其軍長驅以闕中原。未幾所遣諸將相繼奏捷。大軍在潁昌。諸將分道出戰。飛自以輕騎住偃城。飛遣子雲領騎兵直貫其陣。戒之曰：「不勝先斬汝。」鏖戰數十合。賊屍布野。初兀朮有勁軍皆重鎧。貫以韋索。三人爲聯。號拐子馬。官軍不能當。是役也以。

萬五千騎來，飛戒步卒以麻札刀入陣，勿仰視，第斫馬足，拐子馬相連一馬仆，二馬不能行。官軍奮擊，遂大敗之。兀朮大慟曰：「自海上起兵，皆以此勝。今已矣！」梁興會太行忠義及兩河豪傑，累戰皆捷。中原大震，飛進軍朱仙鎮，距汴京四十五里，與兀朮對壘而陣。遣驍將以背嵬騎五百奮擊，大破之。兀朮遁去，飛檄陵臺令行視諸陵，葺治之。先是，飛遣梁興等招結兩河豪傑，山砦韋銓、孫謀等歛兵固堡以待王師。李通、胡清輩復舉衆來歸。金人動息山川險要，一時皆得其實。盡磁相開，德澤降。

晉絳汾隰之境。皆期日興兵。與官軍會。其所揭旗。以爲
爲號。父老百姓。爭挽車牽牛。載糗糧。以饋義軍。頭盤焚
香迎候者。充滿道路。自燕以南。金號令不行。兀朮欲發
軍以抗飛。河北無一人從者。乃歎曰。自我起北方以來。
未有如今日之挫衄者。金帥烏陵思謀。素號傑崛。亦不
能制其下。但論之曰。毋輕動。俟岳家軍來。卽降耳。其將
領多密。受飛旗榜。自北來降。將軍韓常欲以五萬衆內
附。飛大喜。語其下曰。直抵黃龍府。與諸君痛飲耳。方指
日進兵。而檜欲畫淮以北棄之。風臺臣請班師。飛奏金

人銳氣沮喪盡棄輜重疾走渡河豪傑向風士卒用命時不再來機難輕失檜知飛志銳不可回乃先請張浚楊沂中等歸而後言飛孤軍不可久留乞令班師一日奉十二金字牌飛憤惋泣下東向再拜曰十年之力廢於一旦飛班師百姓遮馬痛哭曰我等戴香盆運糧草以迎官軍金人悉知之相公去我輩無噍類矣飛亦悲泣取詔示之曰吾不得擅留哭聲震野飛留五日以待其徙從而南者如市亟奏以漢上六郡閒田處之飛既歸所得州縣旋復失之飛力請解兵柄不許自廬入

帝問之。飛拜謝而已。明年，謀報金分道入淮。飛請合諸帥兵破敵師。至廬州，金兵望風而遁。和議既決，檄飛異已。乃密奏召三大將論功行賞。韓世忠、張浚已至而飛獨後。既至，授樞密副使，位參知政事上。飛固請還兵柄，詔同張俊往楚州措置邊防。總韓世忠軍還，鎮江兀術遺檜書曰：汝朝夕以和請，而岳飛方爲河北圖，必殺飛始可和。檜亦以飛不死，終梗和議，已必及禍。故力謀殺之。以諫議大夫万俟卨與飛有怨，風卨劾飛謂金攻淮西。飛略至舒，斬而不進。比與俊接兵淮上，又欲棄

山陽而不守。飛累章請還樞柄。遂以祠罷。檜志未伸也。又諭張俊令劫王貴誘王俊誣告張憲謀還。飛兵檜遣使捕飛父子。證張憲事。使者至。飛笑曰。皇天后土。可表此心。初命何鑄鞫之。飛裂裳以背示鑄。有盡忠報國四字。深入膚理。旣而閱實。無左驗。鑄明其無辜。改命万俟卨。卨遂以深文雜定之。歲暮。獄不成。檜手書小紙付獄。卽報飛死。時年三十九。雲棄市。籍其資。徙家嶺南。獄之將上也。韓世忠不平。詣檜詰其實。檜曰。飛子雲與張憲書。雖不明。其事體莫須有。世忠曰。莫須有。三字。何以。

服天下時洪皓在金國中蠟書馳奏以爲金人所長服者惟飛至以父呼之諸酋聞其死酌酒相賀飛性至孝家無姬侍吳玠飾名姝進之飛曰主上宵旰豈大將安樂時却不受少豪飲帝戒之曰卿異時到河朔乃飲遂絕不飲善撫士卒能以少擊衆欲有所舉盡召諸統制與謀謀定而後戰故有勝無敗倅遇敵不動故敵爲之語口撼山易撼岳家軍難好賢禮士覽經史雅歌投壺恂恂如書生每辭官必曰將士效力飛何功之有然忠憤激烈議論持正不挫於人卒以此得禍初帝爲飛營

第飛辭曰。寇未滅。何以家爲。遂賜第於錢塘門內。卽今之臬司也。飛死時。一女甫及笄。聞變。抱銀瓶墜井而死。杭人憐之。立祠井上。題其額曰銀瓶烈女祠。飛墓在棲霞嶺下。墓上古樹枝。至今皆南指。識者以爲忠義所感。云。孝宗初。詔復飛官。以禮改葬。謚武穆。追封鄂王五子。雲雷霖震寔。

雲飛養子。年十二。從張憲戰。多得其力。軍中呼曰羸官人。飛征戰。未嘗不與。數立奇功。飛輒隱之。每戰。以手握兩鐵椎。重八十斤。爲諸將先。襄漢之平。功在第一。飛不

言逾年銓育辯之始選武翼郎楊公平功亦第一又不
上張浚廉得其實曰岳侯避寵榮廉則廉矣未得爲公
也奏乞惟異數飛力辭不受嘗以特旨遷三資飛辭曰
士卒冒矢石立奇功如沾一級男雲遠蹤崇資何以服
衆累表不受賴昌大戰無慮十數出入行陣體被百餘
創甲裳爲赤以功遷忠州防禦使終左武大夫死年二
十三孝宗初與飛同復原官以禮祔葬贈安遠軍承宣
使

蘄王韓良臣世忠

韓世忠字良臣延安人風骨偉岸鷺猛絕人能騎生馬
駒家貧嗜酒尚氣不可繩檢日者言當作三公世忠怒
其侮已毆之年十八以勇敢應募鄉州隸赤籍挽強馳
射橫刀而前敵無堅陣當時稱爲驍將果積功至三公
如日者言其事悉本傳中先是帝在錢塘世忠由海道
赴行在適苗傅劉正彥反張浚在平江議討亂聞世忠
至更相慶慰張俊喜躍不自持世忠得俊書大慟舉酒
酹神曰誓不與此賊俱生遂發平江至秀州而明受詔
至世忠曰吾知有建炎不知有明受斬其使取詔焚之

陣夾臨平賊衆負山阻河爲陣中流植鹿角橫行衆世
忠舍舟力戰軍少却世忠復舍馬操戈而前令將士曰
今日當以死報國而不被數矢者皆斬於是士皆用命
賊爲神臂弩持滿以待世忠瞋目大呼挺刃突前賊辟
易矢不及發遂敗傳正彥擁精兵二千開湧金門以遁
世忠馳入帝步至宮門握世忠手慟哭口中軍吳湛佐
逆尤甚尚留朕肘腋能先誅乎世忠卽謁湛握手與語
折其中指戮於市卽勒兵追賊至漁梁驛擒正彥及傳
弟翊遂行在傳亡建陽追會之皆伏誅帝手書忠勇二

李勣以賜元术書。勣侵帝部。謂將移蹕之處。勣使
辛金宗勸自鄂岳。率長沙。世忠曰。國家已失河北。山東。
若入秦。江淮更有何地。於是。以世忠守鎮江。旣而元术
分道渡江。諸屯皆敗。元术自廣德。破陳安。帝如浙東。世
忠乃駐軍海鹽。俟敵歸。避擊之。會上元節。就秀州張燈。
潮會。忽引兵趨鎮江。度金兵至。而世忠軍已先屯焦山。
乘元术約旦大戰。許之。戰將士合。梁夫人親執桴鼓。金
兵終不得渡。請盡歸所掠假道。不聽。請以名馬獻。又不
聽。捷報在濰州。遣李望太乙趨淮東。以授元术。世忠與

二酋相持。黃天蕩者四十八日。字董軍江北。兀朮軍江南。世忠以海艦進泊金山下。預以鐵纜貫大鉤。授驍健者。明旦敵舟謀而前。世忠分海舟爲兩道。出其背。每絕一纜。則曳一舟沉之。兀朮窮蹙。求會語。所請甚哀。世忠曰。還我兩宮。復我疆土。則可以相全。兀朮語塞。又數日。求再會。言不遜。世忠引弓欲射之。亟馳去。謂諸將曰。南軍使船如使馬。奈何。會閩人有獻謀者。令鑿大渠。一夕遁去。是役也。兀朮兵號十萬。世忠僅八千餘人。由是威名大震。金人不敢犯。及金廢劉豫中原。震動。世忠謂機。

不可失。請全師北討。招納歸附。爲恢復計。會秦檜主和。議命世忠徙屯鎮江。世忠乃力言和議之非。章數十上。金卒渝盟。如世忠言。秦檜收三大將權。拜世忠樞密使。遂抗疏言。檜誤國。檜諷言者論之。世忠連疏乞解樞柄。因乞骸骨。得祠奉朝請。進封福國公。節鉞如故。自是杜門謝客。絕口不言兵。時跨驢携酒。從一二奚奴縱遊西湖。以自樂。平時將佐罕得見其面。改潭國公。進封咸安郡王。未幾薨。進拜太師。追封通議郡王。孝宗朝。追封顯王。謚忠武。配饗高宗廟廷。世忠嘗戒家人曰。吾名世忠。

汝曹母諱忠字諱而不言是忘忠也性顚直勇敢忠義
事關廟社必流涕極言岳飛冤獄舉朝無敢出一語忠
獨櫻槍怒不惜也力排和議觸槍尤多或勸止之世忠
曰今畏禍苟同他日目瞑豈可受鐵杖於太祖殿下解
兵罷政卧家凡十年澹然自如若未嘗有權位者晚喜
釋老自號清涼居士

資政殿學士韓以夫肖像

韓肖像字以夫相州安陽人忠獻公琦之曾孫以蔭補
承務郎條奏戰守計千餘言歷官刑部侍郎先北使入

對與朱勝非議不合，力求去，以舊職知溫州，提舉臨安府洞霄宮，除資政殿學士知紹興府，尋奉祠，與其弟詹肖寓居於越，事母以孝聞，所得恩澤皆先給宗族，卒年七十六，謚元穆。

國子監祭酒邵民望知柔

邵知柔字民望，建之浦城人。紹興間，歷官國子祭酒，以直龍圖閣奉祠，寓居西安城東之菱塘，舍側有古木，輪囷離奇，曲卧塘上。知柔因繫小舟扁曰野航，日夕吟詠，其中遂題其詩曰野航集。

太尉李君錫顯忠

李顯忠字君錫本名世輔綏德青澗人初爲鄜延路兵馬紹興中自西夏率衆來歸高宗召對便殿獎賚甚渥賜今名兀朮寇邊會諸將戰於柘臯大敗之顯忠生長邊陲熟悉虜情因上恢復之策忤秦檜意屏居台州久之金亮人寇詔起顯忠爲池州都統與虜戰於大人洲首挫其鋒亮擁兵犯淮西王權敗走詔顯忠代之遂同虞允文大敗亮於采石復和州又復靈壁又復宿州中原震動會副將趙宏淵伎功不協唱言惑衆士無聞志

師遂潰於符離。顯忠歎曰：「天未欲平中原邪？」而沮撓若此，乃納印待罪，責授團練使，安置長沙。徙信州，後朝廷知其故，復太尉，歸老於會稽。歲賜祿米三千石。顯忠生而神奇，立功異域，父子破家殉國，志復中原，未就而卒。朝野惜之，帝嘗奇其狀貌魁傑，命繪像閣下，謚忠義。

溫州通判曾仲常墓

曾忘字仲常，鞏之孫也。以任爲齊社郎，累遷通判溫州。携家預次於越，建炎三年，金酋弔八陷越，下令在城官僚詰且皆詣府，有不至及藏匿不覺察者，皆死。忘獨不

往爲隣人糾察捕見琶八詞氣不屈且言國家何負汝
汝乃欺天叛盟恣爲不道我宋世臣也恨無尺寸兵以
殺汝安能貪生事爾徇奴邪左右皆愕眙相視琶八曰
且令出左右驅恚及其家屬四十餘口於南門外同日
殺之越人作大坎瘞其尸恚弟朝散郎懸時令餘杭牧
葬於天柱山恚死國與衛士唐琦時事相同琦有旌忠
祠而忘以流寓迄無建白之者嘉靖壬寅知府張明道
始朔大節祠合琦祀之於是越人始知有曾公云

翰林學士范元長冲

范冲字元長太史公祖禹之長子登紹興進士祖禹南
遷諸子皆勒停建炎四年得守衛因請祠與趙丞相同
同居焉高宗以神哲兩朝錄多失實召冲爲宗正少卿
兼直史館先是冲父祖禹元祐中嘗修神宗實錄盡書
王安石之過以明神宗之聖其後安石姪蔡卞惡之祖
禹坐謫死嶺表至是復以命冲上謂之曰兩朝大典皆
爲姦臣所壞故以屬卿冲遂盡削蔡京蔡卞所增宣仁
太后誣謗事因論熙寧創置元祐復古紹聖以降張弛
不一本末先後各有所因又極言王安石變法度之非

蔡京誤國之罪上嘉納之書成遷起居郎兼侍讀會皇太子建國公瑗出就傳首命冲以徽猷閣待制爲資善堂翊善而朱震副之冲震皆一時名德老成人以爲極天下之選俄遷翰林學士兼侍讀力辭改翰林侍讀學士用其父故事也未幾坐與趙鼎有連奪職卒始冲之在資善堂也孝宗以建國公受業焉每出講見冲輒納拜及登御而冲已卒其後念之不置對羣臣言每字冲而不名

御史中丞常子正同

常同字子正，邛州臨邛人。安民之子。登政和八年進士。靖康初，除大理司直，以敵難不赴。高宗南渡，辟浙江機幕。建炎七年，以禮部侍郎召還，除御史中丞，車駕自建康回臨安。同奏旋蹕之初，去淮益遠，宜遣重臣出按兩淮，詢人情利病，察官吏侵擾，縱民耕墾，勿收租稅數年。之後，田野加闢，百姓足而國亦足矣。忤秦檜，以顯謨閣學士出守湖州，遂寓海鹽，自號虛閒居士。卒，贈少師，謚忠毅。墓在荆山雙谿之間，至今人稱曰常家墳。

禮部尚書顏長道復

顏復字長道，晉人。顏子四十八世孫也。嘉祐中，詔郡國敦訪遺逸。京東以復言，凡試於中書者二十有二人。考官歐陽修奏復第一，賜進士，爲校書郎，轉太常博士，建言士民禮制不立，下無矜式，請令禮官會萃古今典範，爲五禮書，又請考正祀典，凡議精曲，學汚條陋，制道淹，黜謝術家厭勝之法。一切芟去，俾大小羣祀盡合聖人之經，爲後世法。遷起居舍人，兼侍講，附起居郎，拜中書舍人，兼國子監祭酒，改禮部尚書。建炎初，扈駕南渡，家於崇德之石門鎮，比子孫，自爲村，落名之曰陋巷村。未

逾年以疾除天章閣待制未拜而卒王巖叟等言復學
行超特宜加優賻詔賜錢五十萬

環衛上將軍孟載

五世孫性善附

孟載本鄆國四十八代孫高宗時扈駕南渡授環衛上
將軍卒贈太尉家諸暨夫蔡屋五世孫性善傳學有大
志熟諳孫吳以英雄自命元末盜賊蠭起不欲爲世所
知名遂隱名剏迹於草澤間所著有雅齋集

安定郡王趙表之令矜

子子覺附

趙令矜字表之宋太祖裔孫大觀三年賜上舍出身靖

康間抗疏論用事者輕開邊釁謫臨江監酒高宗中興
除都官郎令矜因上章留張浚忤旨罷居三衢起知
州未幾秦檜誣以謗訕州將希檜旨幽於靜貞觀將俟
趙汾獄具并殺之適檜死乃免尋復官襲安定郡王奉
燕王祠歸於衢孝宗親洒宸翰以寵其行自號超然居
士子子覺終嚴倅工行草能詩歌得墨法於異人有雪
齋集行於世

龍圖閣學士趙叔問子晝

趙子晝字叔問太祖六世孫亦燕王後也警敏嗜學大

觀元年宗子進士第一宣和初編修九域志稍遷刑部副郎南渡來居信安山中車駕駐越遷奉常少卿時禮籍散亡子晝既淹貫討論無遺者進貳春官承密旨陞龍圖閣學士守秀潤已而奉祠家居慕司馬德操之為人作崇蘭園於城南與程俱諸人唱酬其間俱稱其麗而不亢通而不流文敏以粹篆籀草隸皆力追古人所著有崇蘭集

秘書監朱新仲翌

朱翌字新仲舒州潛山人漢桐鄉裔夫邑之後以太學

生賜第初爲溧水簿高宗南渡爲秘書監屬喜其材俾
預修徽宗實錄方是時范冲領史局翌以文辭進同置
居多泰檜相逐趙鼎翌以聞黨謫已而釋朝廷憫其飢
寒計貶所十四年衣俸悉與之遂卜居鄞翌敦睦宗族
其父司農卿載上死幾不能葬翌作信天緣堂記以示
子孫其略曰三十餘年屏跡荒縣私念必時始官州縣
月俸錢萬二千米石五斗麥如米之數十口之家取足
焉已而官朝廷祿十倍之然日食肉猶一繒衣常百結
室亦窶空南來已老内外食者四十人婚姻賓客伏臘

不論論其常用一歲錢千二百緡米百八十斛炊烟屢
絕家人以整告呼使前曰天生匹夫一飯前定多圖未
必得坐視未必失世豈有一門同日困於無飯者乎天
之所賦自應不關轉告而朋洗釜待之行有似余者有
老嫗在旁大笑曰翁豈信天緣乎遂以名堂書其事於
壁死自爲誌周丞相必大論其詩似杜牧之而出處亦
相類號省事老人有文集四十四卷

奉議郎朱少章升

朱升字少章婺源人少穎悟讀書日數千言既冠入太

學靖康之亂家碎於賊南游淮甸會高宗嗣統駐蹕揚州議遣使問安兩宮而士大夫無敢行者遂奮身自獻詔補修武郎借吉州團練使爲通問副使卽日與使者王倫同行至雲中遇黏罕邀說甚切黏罕不聽使就館守之以兵并復屢與書言用兵講和之利害甚悉紹興二年虜忽遣宇文虛中來言和議可成當擇使副一人詣元帥府受書還虛中欲二人探籌決去留并請使長受書歸報已願暴骨外國遂留金金人百計迫之誓死不屈嘗遣從者闕行歸報虜中虛實曰此不可失之時

也。徽宗崩，爲文哭之，有曰：「節上之旄盡落，口中之舌徒存，歎馬角之未生，魂銷雪窖，魂銷龍髯，而莫逮淚洒冰天。」
辟聞於帝，帝爲感泣。十三年，和議成，始得歸。入見，便殿極言時機之不可失，又獻金國所得六朝御容及宜和御書所述北方聞見事狀，帝嘉其節，俾易文資，且有進用意。秦檜惡其言敵情，數沮之，僅轉奏議郎。未幾，以疾卒於臨安府白龜池之寓舍。遺命歸葬，不果。權厝西湖之智果院。忠義之士莫不哀之。後四十年，其從孫熹官浙中，卜葬錢塘積善峯下。

趙彥遠善應

趙善應字彥遠漢王元佐之孫建炎間與其父申國不求避地崇德之洲錢遂以爲家流離慷慨見諸篇什其詩有曰飄泊南來幾歲寒追譚往事謾心酸雲烟暮隔中原望歸折梅花忍淚看善應性純孝嘗刺血和藥愈母母畏雷雷輒走護之官江西兵馬都監每四方水旱警報輒不食同官燕會輒蹙曰此豈爲樂時耶尤豪稱爲古君子陳福公題其墓曰篤行于汝愚自有傳

工部尚書王碩夫撰

王俱字願夫本兗丘人政和二年進士歷監察御史建炎初扈駕南渡遂家餘姚召拜右司員外郎克舉其職紹興初命左右條具改正崇德觀以來濫恩諸失職者爲飛語上聞免官復起爲兩浙轉運使遷戶部侍郎劉麟寇邊詔經理儲峙用度豐給秦檜專國俱家居一十八年檜死起知明州歷工部尚書尋乞身歸卒俱節行剛方爲中興名臣子速自有傳

禮部尚書洪光弼皓

子適遵遺冊

洪皓字光弼番陽人登政和五年進士第宣和中爲秀

州司錄留綱運米拯飢人稱爲洪佛子後秀軍叛縱掠
郡民無一得脫惟過皓門曰此洪佛子家也不敢犯時
議遣使金國張浚薦於朝遷五官擢徽猷閣待制假禮
部尚書爲大金通問使龔璫副之皓至太原留幾一年
金遇使人禮日薄及至雲中粘罕迫二使仕劉豫皓曰
萬里銜命不得奉兩官南歸恨力不能殲逆豫忍事之
耶留亦死不卽豫亦死不願偷生鼠狗間願就鼎鑊無
悔粘罕怒將殺之旁一酋喏曰此真忠臣也且止劍士
爲之跪請得流遁冷山冷山陳主愔室聚落也愔室故

皓使教其人子或二年不給食盛夏衣粗布嘗大雪耕
盡以馬矢燃火煨麪食之或獻取蜀策悟室持問皓皓
力折之悟室銳欲南侵曰孰謂海大我可乾但不能使
天地相拍爾皓曰兵猶火也不能將自焚又數爲言所
以來爲兩國事既不受使乃令深入教小兒非古者待
使之禮也悟室或答或默忽發怒曰汝作和使而口硬
如詐謂我不能殺汝耶皓曰自分當死顧大國無受殺
行人之名願投之水以墜淵爲名可也悟室義之而止
方二帝遷五國城皓在雲中客遣人奏書以桃梨棗

獻二帝始知帝卽位。皓聞祔陵訃，北向泣血，旦夕臨奠。日操文以祭，其辭激烈，舊臣讀之皆揮涕。紹興十年，國
謀者趙德書機事數萬言，載故絮中歸達於帝，又求得
太后書遣李微持歸。帝大喜曰：「朕不知太后寧否，幾二
十年，雖遣使百輩，不如此一書。」未幾，金主以生子大赦
許使人還鄉，與張邵、朱弁在遣中。金人懼爲患，猶遣人
追之。七騎及淮而皓已登舟。七月，見於內殿，力求郡養
母。帝曰：「卿忠貫日月，志不忘君，雖蘓武不能過，豈可捨
朕去耶？」遂賜第，錢塘錢塘之有洪氏自皓始也。皓旣對

退與秦檜議不合。檜去怒。又因言室撓寄聲檜怒益甚。明日御史承檜旨劾皓不省母出知饒州。檜復誣皓有欺世飛語。責濠州團練副使安置英州。居九年始復朝奉郎徙袁州。至南雄州卒。年六十有八。計聞帝深嗟惜之。復敷文閣學士。贈四官。久之復徽猷閣學士。謚忠宣。皓自建炎已酉出使留北十五年。至紹興十二年始歸。當時同使者十三人。惟皓與張邵朱弁生還。而忠義之聲聞於天下者。惟皓而已。惟爲檜所嫉。不死於敵國。乃死於讒慝。皓傳學強記。有文集五十卷。及帝王通要姓。

氏持南松漢記聞金國文具錄等書子适遵邁适以繼
出使恩補修職郎尋與弟遵同中博學宏詞科後三年
弟邁亦中是選由是三洪文名滿天下适位極台輔而
邁文學尤高立朝議論尤多論者以爲忠義之報云

和州守時傳之檄

時檄字傳之彭城人建炎間家崇德歷知和州居官廉
敏惠愛尤長於識鑑嘗擇婿得湖州張孝祥及同邑葉
元忠時元忠處紉紳以非偶微笑曰莫子當爲令人豈
又貧約者乎妻之後孝祥元忠皆及第爲時名士

侍御史黃德紹龜年兄岳舉子衡附

黃龜年字德紹福州之永福人葬父於鄞因家焉舉進士爲殿中侍御史與諫官劾裴論秦檜行類莽卓特朝廷未之察檜由是罷相人或咎其過至檜再相卒如龜年言龜年時寓吳興與檜據其過押回福州後居昌國之馬鞍山品題泉石與兄岳年同隱焉山有石面平五丈日與僧馬耆處士張光賦詩徜徉於其上檜死復居於鄞卒年六十三初龜年微賤永福簿李朝旌奇之許妻以女龜年既登第而朝旌已死家貧甚或勸龜年別娶

龜年正色曰吾許以諾死而負之何以自立遂堅志任子恩先奏其弟之子人皆義之子衡仕至湖南提舉

烏程令蕭東夫德藻

蕭德藻字東夫三山人嘗宰烏程遂家焉所居在弁山有千岩競秀因自號千岩老人有千岩集行於世

白石道人姜堯章夔

姜夔字堯章喬陽人少從父宦游古河與千岩老人相得遂移家苕霅以兄之女妻之堯章遂家武康與白石洞天爲隣潘轉翁號之曰白石道人夔答以詩曰南人

楚人何所食。夜夜山中煮白石。世人喚作白石仙。一生
費齒不費錢。仙人食罷腹便便。七十二峯生肺肝。云云。
其詩大有名於江湖間。